

ULLENSVANG
HERAD



JONDAL
KOMMUNE



Eidfjord
kommune



ODDA
KOMMUNE

Kopi

HELSE FONNA
v/ Johannes Kolnes
5504 Haugesund.

Deres ref. Arkivsakid-doknr: 2005000336-4 Saksbeh: Terje Espe Arkivkode Dato:
Journalpostid: 2006002323 Telefon: 53 65 43 02 K2-G10 24.02.2006

Vedr. søknad om nedgradering av voksenpsykiatrisk poliklinikk i Odda, Folgefonn DPS.

Vi viser til søknad til Helsetilsynet i Hordaland om nedgradering av voksenpsykiatrisk poliklinikk i Odda, Folgefonn DPS.

Vi er vidare kjent med brev datert 22.02.2006 frå tilsette ved psykiatrisk poliklinikk og dagavdeling i Odda.

Kommunane i sjukehuset sitt opptaksområde – Eidfjord, Ullensvang, Jondal og Odda deler dei tilsette sin skepsis til "nedgraderingen" – og den manglande kommunikasjon/dialog i forkant av søknaden.

Odda kommune sendte 06.04.2005 brev til direktør for psykiatrisk klinikk i Helse Fonna, der det vart gitt uttrykk for bekymring over andrelinetenesta sitt behandlingstilbod innan barne- og voksenpsykiatrien i distriktet. Årsaka til vårt initiativ var bekymringsmeldingar frå både fastlegar, helsestasjon og anna personell innan psykisk helsearbeid i kommunen. Vi gjorde greie for ei svekking av tilbodet og samarbeidstilhøva (sjå kopi av brev som vedlegg) – som i aukande grad blei registrert i kommunen etter etablering av foretaksorganiseringa av psykiatri-tenesta.

Kommunen tok initiativ til eit drøftningsmøte med psykiatrisk klinikk, og slikt møte blei holdt kort tid etter. Samarbeidstilhøva og rutinar blei drøftet, og kommunen fikk ei klar forståing av at foretaket såg behovet for eit styrka tilbod i distriktet. Fra foretaket si side blei det imidlertid streka under at personalressursar (psykiatarar) var eit problem. Det blei bekrefta at dåværande psykiater ved poliklinikken i Odda hadde sagt opp, men at stillingen ville bli lyst ut med det første. Det vart streka under at det ikkje låg føre planar for nedbygging av den polikliniske verksemda i Odda, men at målet på sikt var at denne skulle styrkast – sjølv om den blei lagt under poliklinikken på Valen, slik at desse vart eitt felles DPS.

Det er seinere utarbeida ein "Førebels samarbeidsavtale mellom Folgefonn DPS og kommunene". I denne går det m.a. fram at "det skal avholdes fagmøte mellom fagpersonell i kommunen og DPS-einingar 3-4 ganger pr år", og at det her skal "informeres om endringer i tilbud, personell, rammer, føringar osv."

«Sse_Navn»	Org.nr:	964 967 814	Telefon:	53 65 40 00
Telefaks: «Sse_Fax»	Bankgiro:	3658.07.50022	Telefaks:	53 65 40 51
«Sse_Adr»	Innbetaling skatt:	7855.05.12288	Epost:	epost@odda.kommune.no
«Sse_Postnr» «Sse_Poststed»				

Slikt samarbeidsmøte blei holdt 02.02.2006. Av referatet går det m.a. fram:

- "Vedk. spørsmålet om styrt nedbygging av psyk.poliklinikk i Odda, vert det avkrefta. Psykiaterstillingar vert lyst ut frå Haugesund." Det blei fra DPS munnleg stadfesta at utlysning av ledig stilling (med delvis teneste i Odda) no var sendt til foretaket sentralt for utlysning (men altså *ikkje* hadde vore lyst ut i tida som var gått sidan møtet mellom psykiatrisk klinikk og kommunen våren 2005.)
- "Det vert gitt uttrykk for stor uro ved at all omorganisering skjer på føretaksnivå, utan kontakt med kommunane. Dialogen er ikkje til stades." I svar seier seksjonsleiar igjen at "Det føregår ingen planlagt nedbygging i Odda. Det vert gjort forsøk på å rekruttere spesialistar i ledige stillingar."

Bare 2 veker etter dette møtet, blir altså kommunane kjent med at psykiatrisk klinikk ved Helse Fonna søker Helsetilsynet i Hordaland om å nedgradera vaksenpsykiatrisk poliklinikk i Odda. Dette skjer utan dialog med - eller informasjon til - kommunane og tilsette ved poliklinikken.

Kommunane vurderer søknaden om nedgradering av poliklinikken i Odda som eit forsøk på å lukka eit formelt avvik – framfor å lukka det *faktiske* avviket, som handlar om at den psykiatriske andrenlinetenesta i distriktet ikkje har tilstrekkeleg kapasitet og mangelfull organisering.

For å få forsvarleg psykiatrisk helsetilbod i distriktet, meiner fagpersonell i kommunane at det er trong for psykiater-teneste ved poliklinikken i Odda i 40% stilling, dvs. 2 dagar i veka. I følgje seksjonsleiar sin uttale på samarbeidsmøte 02.02, skal poliklinikken pr. dato ha 20% psykiaterstilling (ft. innleigd fra vikarbyrå).

Med framlegget til nedgradering er det grunn til å frykta at psykiaterntenesta ved poliklinikken vil bli lagt på eit nivå *under* dette – og at gapet mellom tilbod og faktisk behov vil bli ytterlegare forverra.

Psykiatrisk klinikk si løysing på problemet, er å la pasientane reisa til Valen for polikliniske konsultasjonar med psykiatar. Noverende organisering har allereie i ei viss grad vore basert på dette. Det har etter kommunane si meining *ikkje* fungert forsvarleg i *liten* målestokk, og vi ser ikkje moment som talar for at det skal kunna fungera bedre i *større* målestokk.

Det må strekast under at psykiatriske pasientar er ei av våre svakaste og mest sårbare brukargrupper. "Nærhets-prinsippet" til tenesta står svært sentralt i eit forsvarleg teenestetilbod. Poliklinikken i Odda er det *einaste* polikliniske tilbodet i Indre Hardanger, i tyding kommunane Odda, Ullensvang, Eidfjord og Jondal.

Førstelinetenesta si oppleving av det psykiatriske tilbodet i distriktet er pr. dato som følgjer:

- Psykiatrisk poliklinikk i Odda har eit høgt kvalifisert og engasjert fagmiljø/personell, som yt stor innsats under vanskelege praktiske og organisatoriske tilhøve.
- Poliklinikken lir av *kritisk* dårleg tilgang på psykiater-teneste, som gjer det vanskeleg å gi forsvarleg psykiatrisk behandling i distriktet.

- Organisatoriske tilhøve rundt tenestene er bekymringsfulle. Omorganisering, uklare linjer, avstand til leiing og manglende dialog/informasjon gjer arbeidet vanskeleg.
- Vi er klår over psykiatrien sine rekrutteringsproblemer, men 8 mndrs vakans utan faktisk utlysning av stilling seier også noko om administrative prioriteringar..
- Stoda er ikkje i samsvar med erklærte helsepolitiske føringar om psykiatrien som spesielt satsningsområde.

Mangelfull psykiater-teneste føre ette kommunane sine erfaringar til følgjande:

- Henvisningar blir etter fastlegane si meining urettmessig avvist.
- Ventetid for behandling er ofte lang, og kapasiteten utilstrekkeleg for forsvarleg oppfølging.
- Mange pasientar har ikkje helsemessige ressursar eller meistringsevne til å reisa langt og hyppig – fastlegane blir ofte tvunga til å ta fullt oppfølgingsansvar for pasientar dei fagleg sett meiner treng andrenline-tenester. Behandlingsvegring, "drop-outs" og unødig forverring av helsa blir konsekvensar.
- Ansvarsfordeling hos pasienter som faktisk er under behandling i andrenlinetenesta er eit problem, særleg innan medisinerig.
- Fastlegane oppleve at pasientar under oppfølging i andrenlinetenesta "henvises" tilbake til fastlegen dersom tilstanden blir forverra/tilspissa – og at fastlegen må gjera diagnostiske og medikamentelle vurderingar dei meiner høyre heima på eit høgre kvalifikasjonsnivå.
- Fastlegane meiner dei driv ei reell *underhenvisning* av psykiatriske pasientar, pga. andrenlinetenesta sine kapasitetsproblem og organisering, og blir tvungen til å leggja lista høgre enn fagleg begrunna og ønska.
- Folgefonn DPS har lenge sett på poliklinikkane på Valen og Odda som ei eining. Vi oppleve likavel sviktande samhandling og tilrettelegging i einskildtsaker (f.eks. avslag på timar til samtalebehandling i Odda dersom pasienten har vore til konsultasjonar på Valen, med grunngjeving i at dette blir vurdert som "dobbelthenvising"). Vi strekar under at dette blir opplevd som administrative og organisatoriske problem – og ikkje går på innsats- og samarbeidsvilje hos dei tilsette ved poliklinikken.

Vi ser diverre ikkje at den otte vi tidligare ga uttrykk for i brev av 06.04.2005, er blitt særleg svekka i løpet av tida som har gått. I tråd med politiske føringar og nasjonale mål, ventar vi ei opprustning av tilbodet – ikkje nedbygging.


Det er viktig for våre pasientar å halda på fagmiljøet og behandlingstilbodet ved poliklinikken i Odda, den må organiserast og bli bemanna på forsvarlig vis. Ei nedgradering av poliklinikken - med sannsynleg ytterligare reduksjon av ei allereie underdimensjonert psykiater-teneste, og risiko for vidare svekking av eksisterande fagmiljø/personell – er *ikkje* vegen å gå.

Fråvær av dialog og kommunikasjon rundt saka – samt direkte *desinformasjon* på samarbeidsmøtet 02.02.06 – svekke tilliten til den administrativ leiing, og er eit klart brot på samarbeidsavtalen.

Ansvarleg for klinikken må derfor sjå på kopi av dette brev som ei avviksmelding.

Venleg helsing

For rådmennene i
Jondal, Ullensvang, Eidfjord og Odda



Finn Kristoffersen

Rådmann i Odda

For ordførarane i
Jondal, Ullensvang, Eidfjord og Odda

Solfrid Borge
Sign.
Ordfører i Ullensvang

Kopi til:

Direktør psykiatris klinikk
Helse Fonna
Helsetilsynet i Hordaland

P:b. 2170

Postboks 7310

5504

HAUGESUND

5020

BERGEN